



21398

100 komp

III

Mag. St. Dr.

P

lius

*Prokopowic Casimiri: Theatrum coronasae
virtutis et sapientiae maximis laboribus
et meritis.*

PANEG. et VITAE

Polon. Fol.

№ 848.

T
C

D

C

Sa

C

S

SA

Ph

THEATRUM

Coronatæ Virtutis & Sapientiæ,
maximis laboribus & meritis,

Perillustres, Clarissimi, & Admodum Reverendi Domini,

D. M. BASILII
OLSZYNski,

Sacrae Theologiae Doctoris & Professoris,
Collegæ Majoris, Ecclesiæ Collegiatæ
Sancti FLORIANI Clepariæ ad Cracoviam
CANONICI & CONCIONATORIS, CANCELLARII
Siradiensis, CURATI Nasiechovicensis,
Contubernij Sisiniani PROVISORIS.

SUBLIME,

&
Solenni Die suæ Responsionis,

PRO LOCO

Inter Perillustres, & Admodum Reverendos Dominos,
Almæ Universitatis Cracoviensis,
SACRÆ THEOLOGIÆ DOCTORES,
obtinendo:

M. CASIMIRO PROKOPOWIC,
Philosophiæ Doctore, Collegij Novodvorsiani Rhetorices Professore,
exiguo votorum elogio,

ADORNATVM.

Anno Domini, 1691. Die 10. Mensis Iulij.

CRACOVIAE, TYPIS UNIVERSITATIS.



21

21.398

III

THEATRUM

Coronatae Virtutis & Sapientiae.

S Tupendum seculi negotium Gloria,
nunquam ita sterili voto amicam coluit virtutem;
quin maximo honori sociata nexu,
festivos sibi in applausum caneret triumphos,
aut mole perarduâ,
visenda lætitiæ fabricaret Theatra.

*Gestiunt semper, cupiuntq; in Orbis facie spectari,
quos magnus virtutis ardor, & arcano magnete honoris,
gloria traxit in triumphum.*

Hic Orbis genius est,
nec aliam Superi statuere legem,
*nisi, ut ibidem sint aestimati præmia honoris,
ubi sunt maximis laboribus censa merita virtutis.*

Livor ipse etiam,
qui semper pulchra detrahit virtuti,
dignum justumve censeat;
ut publico in Capitolium Orbis triumpho,
per sacrum clivum feroces trahat Sicambros,
ipse Pater Patriæ Augustus;
cujus herodam mentem & animum,
non otium, aut sepultæ mora inertiae,
ab excelsis gloriæ operibus retraxit.

Meritò Reginae volucrum, Iovisq; ministræ Aliti,
Sol concedit, inconnivâ oculorum acie,
purpuram luminis conspicere,
& hoc liberiori aspectûs ausu,

vix non ipsam comprehendere claritudinis majestatem:
*nam prius Aquilam nativo expulsam nido,
& Patrius vigor, & venti,
jam nimbis remotis,
insolitos docuere nisus.*

Pulchrum agit magnifico Orbis Theatro,
inq; aspectu Aquilæ, idem Sol in meridie triumphum;
sed tantò justius peragit scenam lætitiæ,

quanto

M
e.
quantò operosius, post naufraga Oceani vada,
non uno laboris cursûsq; tramite,
maxima Cæli Olympia emensus,
altis gradibus luctatur in augem.

Etenim,

Nemini per naturam eminere concessum est,
quem ad terram usq; sudati non pressere labores.
Quanquam aliquando contingat repente alios inclarescere,
& ante vota fortunæ, felices beatosq; censer:

fit tamen sapius,
ut tam præcoci felicitatis sublato motu,
tristissimum calamitatis spectaculum exhibeant Orbi;
non alio futuri præfagio mali,
quàm veluti Pater luminis Phœbus,
si præcurrat in ortu suo vota hominum,
non ex vano agrestium augurio,
futuram tempestatem portendit.

Equidem

immortalitatem Nominis, Currus triumphales, fastosq; merentur,
qui non perfunctoriè, nec levi ære & pretio;
sed Athleticis, cogitatisq; per intervalla laborum operibus,
se in vultus Orbis exhibent, & pandunt:
ornat sæpenumerò immortalibus hos gloria ceris,
celsoq; honoris stant sibi colle penates,
quos clara virtutis posuere merita in fastigijs.

Hoc Tu

magnifico satis, Honoris & Sapientiæ,
immortalem hodie triumphum celebras Theatro,
Perillustis, Clarissime, & Admodum Reverende Domine,

D. B A S I L I
O L S Z Y N S K I,

Divinæ Interpres Sapientiæ,

Magne Doctor:

qui longi per spiramenta temporis,
perq; deciduos labores,

in ludis Sapientiæ; plùs quàm Olympicis

Sudans Athleta,

illâ virtute, & magnitudine animi,

quæ par est Heroibus,

nobilem gloriæ collegisti palmam:

Et ecce,

conclamante ad vota Honoris Tui, Vniverso Literati Orbis Senatu,
gloriosè triumphas.

Non est sine moderamine tumor,

neq; sine legibus voluptas;

dare se in plausus & encomia;

si vota omnium conspirant in latitiam.

Pulchrum in Te hodie spectamus triumphum,

jucundo omnium delicio,

& blando lætitiæ sensu;

ut cognoscat Orbis,

quid, & quantum Tibi Gloriæ accesserit exinde,

quòd labore nonnisi & meritis Sapientiæ

Honoris Theatrum meruisti.

Non ordior

eluctatam ab Adolescentia per centum labores Tuam sollicitudinem,

non revelo cultioribus linguis & Orbi,

capacem cujusq; molis gloriæ animum,

non detego, quas domi Tuæ strenuè exercuisti Virtutes:

nam hæc omnia usq; hodie,

maximo ordinatæ argumento vitæ,

& æterno fœdere inncta,

tantò feliciùs in Te eminent & vernant;

quantò Virorum Meritissime, Inclytæ Matris Academiæ,

in omnigena Scientiarum & eruditionis Palæstra enutritus,

expressius docuisti Orbem;

frustra marmoribus ad posteritatem transmitti famam,

vel disertis demandari linguis,

nisi eam moribus ingenuis, magnisq; Virtutum decoribus,

immortalem reddas.

Sudâsti opere Athletico,

nec diu Te ex certamine clypeata expectabat Pallas;

& tamen

& tamen non præcoccem, aut levi curriculo proVectum,
sed magno ambitu laboris Victorem consalutavit.

Stetisti dextro Hercule in arena,

licer non Cæsaris voto profectus;

Venisti tamen, vidisti, & vicisti,

magnâ felicitate & gloriâ,

contra Te moventem catervas prælio hostem.

Non miretur superstes fama,

Te hostilibus immixtum pugnis,

maxima sine sanguine gessisse prælia,

æternos habitura triumphos?

Nam pulchra ingenij ostentatio,

cultior Adolescentiæ fucus,

succrescentis blandimenta atatis,

respectus, favorq; adstipulantium,

otium, inertia, decor, voluptas, & grata commercia hostes sunt:

tantòq; validius pugnant,

quantò magis ficto amicitia colore, & specie tenus,

jucundo fraudis stratagemmate invadunt securos.

Vicisti grandem hanc domestici belli Gigantonomachiam,

disjecisti Virtute Tuâ blandientis cuneos malitiæ,

& pulchro docuisti exemplo alios,

non solum gloriosam virtutem esse;

sed etiam immortalitatis trophæum,

placitis abstinuisse bonis,

unde triumphales Laurus gloriæ surgant.

Certasti, & justâ mercede Laureas à Matre meruisti coronas;

jamq; Vir, doctæ ornatus folijs Minervæ,

iterum in Scholis Novodvorscianis pulverem Olympicum

collegisti Victor;

unde palma nobilis, rotis gloriæ fervidis,

Te revexit in stationem Minoris Collegij.

Salutasti prodroma Virtute & labore honorem,

triumphans in Sapiencia DOCTOR;

sed ille Te magis complexus,

diu quidem beatis tenuit vlnis;

at non sine purpura, & magni plausu honoris;

ut conspectior prodires in publicum,

veluti recoctum in ignibus aurum.

Verum est de Te dicere;

quia maximo Virtutum voto & exemplo,

cogitatum fugiebas honorem,

at ille Tua operosa lustrabat vestigia,

& toties plausum Tibi gloriæ dabat,

quoties Decanali Purpurâ Doctorem insignivit.

Cogitant alij, longasq; non dormiunt noctes,

quomodo fortunati more Timothei aucupentur urbes,

vel magna fortuna donaria captent;

rarò tamen evenit, ut tantâ solitudine se felices præstet:

Alij eminentiæ & Honoris neglectu,

profundo sepeliuntur recessu, & fugiunt,

si comperiant se haberi in delicijs fortune;

hos tamen sequitur honos, & invitat pulchri Gloria facti fugientes.

Tibi Vir ornatissime,

hæc industria, hæc mens sollicita erat;

ut semper fugeres, & nunquam effugeres,

deprehensus in Cursu gloriæ honorem;

quem Tibi Virtus paravit & Sapientia.

Majori Collegio,

ceu cuidam Gloriæ, Virtutis, & Sapientiæ Theatro datus,

quàm ingentibus meritis, & virtutum resplenderis ornamentis?

testantur exedra Sophorum, & fides publica discentium.

Sacro Theologorum adlectus Senatui,

quàm ingenioso mētis Tuæ captu, Divinæ Sciētix mysteria scrutatus,

utramq; gloriæ adimplēsti paginam.

Omnes Te mirantur voto pectoris & laudant,

qui integer & ubiq; gloria Nominis idem,

præstas, quod irrigui præstant fluminibus fontes;

qui semper plenis aquarum rivulis fluunt,

& non deficiunt aquis.

Detrahit Virtuti Tuæ,

Perillustri, Clarissime, & Adm: Reverende Domine,

qui Tibi Nomen Summi Ecclesiæ Doctoris

BASILII,

& non etiam Virtutes adstruit:

*Iunxisti quippe concionandi zelum, & veritatem docenas,
tantâ utriusq; societate & vinculo;
ut & verbo Virtutes plantes, & altâ contemplatione sublimium,
magna sanctioris vitæ doceas exempla.*

Verum

altius assurge in Theatrum Honoris,
Sapientissime Doctor,

& alteri Te infer Orbi?

ut etiam vel in Latio, nullibi latens, conspiciaris Triumphator.

*Erubescunt alij & pavent,
veluti capta oculis talpa, palmum aut ulnam progredi;
quia inopiâ virtutum, meritorumq; laborantes,
nihil habent in angulo,
quod luci publicæ inferant in admirationem.*

Tu verò

Gloriæ & Sapientiæ Triumphator,

dives meritorum, nec virtutum inops,
fatis domi Tuæ eruditæ cumulâsti opes,
& illas fatis in Augusto Romanæ Sapientiæ, explicâsti Theatro,
factus ipse Doctorum & Sapientiæ idea.

Vidisti Romam,

quam videre ad delictum humano generi satis est.

Et in Capite Orbis,

longiores non duxisti moras,
ne gestiret Roma, quasi Tibi de suo adderet decore ad Triumphum.

Quare,

jam togata prodeat Pallas,
jam doctæ Parnassi Deæ, Charitesq; Sorores,
dulcem Tibi in Cytharis recinant plausum,
nostrorum Corona votorum,

Magne Doctor.

*Vicisti monstra enormia,
Cunctator ipse labore.*

Ergo

Theatrum Honoris & Sapientiæ,
meritò possedisti.

Stabunt

Stabunt Virtuti Tuæ æterna Gloriæ trophæa,
fulgebunt perenni cultu & gemmis, Nasiechovicēsis decora Sponsæ,
vincent immortales fastos,
Iuris abstrusi, Igołomiensis Ecclesiæ Privilegia,
zelo Tuo vindici,
impensis, magnisq; conatibus,
ex collisione partium in spem assurgentia:
& Tu tandem optatum recines triumphum.
Vives illustre Decus Vniuersitatis & pretium,
dies palmares numerabis & annos,
sine mensura Honoris,
triumphabis Summis Tuis operibus,
magnificum præcelli Honoris,
Virtutis, Gloriæ, & Sapientiæ,
factus ipse

THEATRVM.



SVB FELICISSIMIS AVSPICIIS,

Magnifici, Perillustri, & Admodum Rēdi Domini,

D. M. FRANCISCI IOSEPHI
PRZEWOSKI,

S. Th: Doctoris & Professoris, Collegæ
Majoris, Ecclesiarum Collegiatarum, SS. Omnium
Crac: PRÆPOSITI, Scholastici Cureloviensis, ad S.
FLORIANVM Canonici, Korczynen: Curati, Librorum
per Diocesim Crac: Ordinarij Censoris, Canonizationis
Beati IOANNIS CANTII, Procuratoris, Contubernij
Hierosolymitani Provisoris, S. R. M. SECRETARII,
ALMÆ VNIVERSITATIS CRACOVIENSIS,
Generalis, & Vigilantissimi
RECTORIS.

onfa,

I



